

STRIPOPEKA, Družba BH crtača i čitača stripova, u saradnji sa TKD Šahinpašić sa ponosom otvara:

## TREĆI KONKURS ZA NAJBOLJU STRIP ILUSTRACIJU

U sklopu sve veće popularnosti stripa u Bosni i Hercegovini čast nam je i ove godine, po treći put, pozvati sve ilustratore, slikare, grafičare i druge koji se profesionalno ili amaterski bave crtanjem i slikanjem, da pokažu svoje radove publici putem ovog konkursa. Svi oni koji se bave tradicionalnim umjetnostima više su nego dobro došli u ovo takmičenje.

### **PRAVILNIK KONKURSA**

#### **Tema konkursa**

Od učesnika tražimo da nacrtaju i po želji oboje što bolju ilustraciju nekog od likova iz stripova. Bilo kojeg lika iz bilo kojeg stripa. Nacrtanog ikada. Igdje.

Čak može biti lik iz stripa koji su učesnici sami izmislili.

Ali, tu je kvaka – uz Vaš rad namijenjen konkursu morate dostaviti i jedan kaiš (horizontalni niz sličica) ili tablu (stranicu) stripa u kojem se pojavljuje lik (ili likovi) čiju ste ilustraciju prijavili na konkurs. Izuzetak iz ovog pravila su ilustracije opšte poznatih likova iz stripova poput američkih superjunaka Batman, Superman i sl. ili italijanskih likova kao što su Zagor, Alan Ford i drugi.

Ovo možete shvatiti na dva načina:

- 1) tražimo da ilustracija predstavlja nekog lika iz stripa a ne samo nekog lika kojeg ste osmislili za potrebe konkursa;
- 2) tražimo da mladi strip autori osim ilustracija likova stvarno urade i strip sa njima (od kojeg nam moraju poslati samo jednu stranicu, ne tražimo da nacrtaju cijeli album).

## **Radovi**

Radovi kojim konkurišete mogu biti urađeni bilo kojom tradicionalnom tehnikom ilustrovanja. Olovka, grafit, paste, drvene ili voštane bojice, akvarel, gvaš, uljane boje, kolaž ili nešto posve drugo – izbor je na vama. Pustite maštu na volju i kreativno se izrazite kao nikada do sada. Popravljanje ili dodavanje boje na skenirane radove je dozvoljeno. Ali radovi u potpunosti urađeni na računaru neće biti uvaženi u izboru.

Format radova je također proizvoljan. Od minijatura do višemetarskih formata – sve prolazi.

## **Ograničenja pri izradi ilustracija**

Ograničenja pri izradi ilustracija nema. Dok god su ilustracije likova iz stripova

oni mogu biti prikazani kako god autori radova žele. Ne moraju čak biti u pozi iz stripa. Ne moraju biti ni u okruženju iz stripa. Predstavite koga god želite da predstavite kako god želite da predstavite.

Shvatamo da su prikazivanje golotinja i nasilja sastavni dio stripa i kao takvi se neće cenzurisati.

### **Učesnici**

Pravo učešća imaju svi državljani Bosne i Hercegovine sa stalnim mjestom prebivanja u Bosni i Hercegovini. Spol i starosna dob učesnika ne predstavlja nikakvu prepreku za učešće.

### **Slanje radova**

Radove za konkurs šalјite u vidu kvalitetne kopije ili skenirane slike.

**Ne šalјite originalne radove!** Čak i ako ih pošaljete, što radite na vlastitu odgovornost, iste nećemo slati nazad.

Dakle, fotokopirajte radove, odštampajte ih ili ih pošaljite elektronskom poštom skenirane. Autori mogu prijaviti neograničen broj radova na konkurs.

Dakako, slaba kopija dobrog rada poništava njegovu kvalitetu i šanse za uspjeh, stoga se ipak potrudite uraditi to kako treba.

Radove možete slati na sljedeće adrese:

- Putem elektronske pošte na adresu **stripopeka@gmail.com** sa naznakom u naslovu poruke  
**“za konkurs za najbolju strip ilustraciju 2010”**

- Putem pošte na adresu  
**Stripopeka**  
**Ivana Gorana Kovačića 12**  
**71 000 Sarajevo**  
također sa naznakom “**za konkurs za najbolju strip ilustraciju 2010**”

Uz radove obavezno je dostaviti:

- Ime i prezime autora
- Godinu rođenja autora
- Adresu autora
- Broj telefona i/li e-mail na koji se može kontaktirati u slučaju osvajanja nagrade
- Sken ili fotokopiju kaiša ili table stripa iz kojega je lik koji je ilustrovan

Rok za slanje radova je **31. april 2010.** godine. Radove poslane poslije naznačenog datuma nećemo uvažiti.

### **Objava pobjednika i nagrade**

Proglašavanje pobjednika izvršiti će se 10. maja 2009. godine kada će imena pobjednika biti objavljena na internet stranici **[www.stripopeka.com](http://www.stripopeka.com)**.

Nagrade će biti podijeljene u sljedećim kategorijama:

- 1. mjesto, glavna nagrada za najbolju strip ilustraciju**
  - 2. mjesto, utješna nagrada za umalo najbolju strip ilustraciju**
- Nagrada za uloženi trud** (namijenjena mladim autorima)

Uz prigodnu plaketu svaki od pobjednika dobiti će kao nagradu kolekciju stripova koje obezbjeđuje STRIPOPEKA i TKD Šahinpašić.

Nagrade će biti uručene pobjednicima po završetku konkursa u prostorijama Međunarodne knjižare Šahinpašić u Sarajevu. O tačnom datumu organizovanja ceremonije dodjele nagrada pobjednici će bit obaviješteni naknadno.

### **Dodatna pitanja**

Za sva dodatna pitanja možete se obratiti organizatoru na telefon

**062 692 478** ili putem elektronske pošte na adresu

**[stripopeka@gmail.com](mailto:stripopeka@gmail.com)**.

**WWW.STRIPOPEKA.COM**

---